

10 JAN 1996

DR MAHATHIR RASMI PERSIDANGAN PERUBATAN DI KL

KUALA LUMPUR, 10 Jan (Bernama) -- Perdana Menteri Datuk Seri Dr Mahathir Mohamad hari ini merasmikan Kongres Persekutuan Asia Pasifik ke-11 Kolej Pakar Bedah Antarabangsa (ICS) di sini.

Satu bengkel dan seminar kebangsaan mengenai barah payudara diadakan hari ini sempena kongres empat hari itu anjuran ICS Malaysia.

Kongres itu, yang bertemakan "Pembedahan ke Arah Abad ke-21", akan mendengar pendapat pakar-pakar pembedahan mengenai teknik dan pengurusan pembedahan bagi abad akan datang.

Pengerusi jawatankuasa penganjur Dr P.Boopalan berkata kongres itu bukan saja disertai oleh pakar-pakar bedah dari rantau Asia Pasifik malahan dari seluruh dunia.

Beliau berkata kongres itu diadakan pada masa berlakunya revolusi dalam pengurusan pembedahan pesakit.

Yang turut hadir Datin Seri Dr Siti Hasmah Mohd Ali dan presiden baru ICS Prof Refaat Kamel. -- BERNAMA